

舞陽縣志卷之五

典禮志

知縣王德瑛纂修

孝經云安上治民莫善於禮論語云能以禮讓爲國乎何有夫禮之不可不講也久矣志典禮

朝賀

萬壽聖節元旦長至知縣率僚屬於五更時赴開元寺供奉

龍牌處就班行三跪九叩首禮退班

迎接 詔書

詔書到時知縣率僚屬整

舞陽縣志

卷之五

典禮

一

龍亭彩輿儀仗鼓樂出西門於關外道旁前肅迎

詔書安置

龍亭中眾官及鼓樂前導賚使隨

龍亭後行至開元寺眾官先趨入文武分東西序立跪候

龍亭至公庭中賚使立

龍亭之東西向文武官行三跪九叩首禮賚使捧

詔書授捧

詔生捧

詔生跪受詣開讀案前展讀生宣讀眾官跪宣讀畢展讀生授捧

詔生捧授知縣知縣捧置

龍亭中眾官行三跪九叩首禮起鼓樂恭賚回縣署貼照壁曉諭百姓

秩祀

社稷

大清通禮直省府州縣各建

社稷皆

社右

稷左異位同

舞陽縣志

卷之五

典禮

二

壇歲以春秋仲月上戊日致祭省會以總督若巡撫一人主之有故則布政使攝事在城文武官縣丞千總以上咸與祭眡割牲省盥盛以道員等官糾儀以教授訓導司香司帛司 司祝司饌以丞倅通贊引贊引班以學弟子員嫻禮儀者充之前期主祭官暨陪祭執事官各於公廨致齋三日掃除

壇壝內外祭之前夕掌饌潔備品物置案於

神廚設香燭眡割牲官公服詣案前上香行三叩禮畢宰人牽牲告脬遂割牲以豆取毛血瘞於坎及祭之日雞初鳴執事人入設案一於

壇上正中北向陳鉶二實和羹簋二實稻粱簋二實黍稷籩四實形鹽棗栗鹿脯豆四實菁菹鹿醢芹菹兔醢若不能備各就土所有以其類充案前設俎陳羊一豕一又前設香案一陳祝文香盤鑪鐙左設一案東向陳篚一實帛二尊一爵六又設福胙於尊爵之次司祝一人司香帛二人司爵二人位案西東面階下之東設洗當階爲主祭官拜位其後爲陪祭官拜位文東武西班與外朝賀禮同通贊二人位階下左右糾儀官二人分位陪祭官左右均東西面漏未盡主祭官及陪祭官朝服畢集

壇外引贊二人引省盥官入

舞陽縣志

卷之五

典禮

三

壇徧眡牲器酒齊饌者告潔退左右引班二人引陪祭官入東西序立東班西面西班東面引贊二人引主祭官入至階下盥手通贊贊執事者各司其事贊就位引贊引主祭官引班引陪祭官咸就拜位立贊迎

神引主祭官升詣香案前跪司香跪奉香主祭官三上香興贊復位引主祭官降階復位立贊跪叩興主祭官暨陪祭官行三跪九叩禮贊初獻引主祭官升詣

神位前跪司帛跪奉篚主祭官受篚恭獻仍授司帛興奠於案司爵跪奉爵主祭官受爵恭獻仍授司爵興分詣

社

稷位前各奠正中皆退贊讀祝引主祭官詣香案前跪陪祭官皆跪司祝三叩興奉祝文跪於右讀曰維某年月日某官某致祭於社

稷之神曰惟

神奠安九土粒食萬邦分五色以表封圻育三農而蕃稼穡恭承

守土肅展明禋時屆仲春秋敬修祀典庶凡凡松栢鞏磐石於無疆

翼翼黍苗佐神倉於不匱尙

饗讀畢三叩興以祝文復於案退贊叩興主祭官暨陪祭官三叩

舞陽縣志

卷之五

典禮

四

興贊復位引主祭官降階復位立贊亞獻引主祭官升詣

神位前獻爵於左贊終獻獻爵於右均如初獻儀贊

賜福胙引主祭官升詣香案前跪司爵跪進福酒於右主祭官受

爵拱舉司爵接爵興司饌跪進豆肉於左主祭官受豆拱舉司饌

接豆興各退贊叩興主祭官三叩興贊復位主祭官復位立贊送

神贊跪叩興主祭官暨陪祭官行三跪九叩禮贊徹饌執事官徹

贊瘞祝帛執事官奉祝次香次帛次饌詣瘞所禮畢各退

監司分駐各府者各主其地

社稷之祭其他府州縣皆以長官主之長官有故則佐貳以次攝

在城文官丞史武官把總皆與祭眡割牲省盥盛府州以佐貳縣以丞若史各一人糾儀府以教授訓導州以學正訓導縣以教諭訓導二人執事均用掾史贊相禮儀均於學弟子員內選充祭期牲帛器數及行禮儀節均與省會同

先農壇

大清通禮直省府州縣

先農壇歲以仲春亥日致祭或用季春省會以總督若巡撫一人主之有故則布政使以次攝陪祀文武官及各執事人均如祭

社稷之禮先二日主祭陪祭執事各官致齋公所埽除

舞陽縣志

卷之五

典禮

五

壇上下祭日雞初鳴執事人入

先農神案於

壇正中南向陳鋤一簠二簋二籩豆各四案前設俎陳羊一豕一又前設香案一陳祝文香盤鑪鐙左設一案東向陳帛一尊一爵三陳福酒胙肉於尊爵之次設洗於階下之東質明引班引陪祭官入引贊引主祭官入通贊贊執事者各司其事贊就位引主祭官至階下盥手就拜位立陪祭官接班就東西拜位立均北面迎神上香讀祝行三獻禮祝辭曰維某年月日某官某致祭於先農之神曰惟

神肇興稼穡立我烝民頌思文之德克配彼

天念率育之功陳常時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彝章聿修祀事惟願五風十

雨嘉祥恆沐

神府庶幾九穗雙歧上瑞頻書大有尙

饗餘儀與祭

社稷同祭畢率屬行耕籍禮 府州縣歲祭

先農主祭官陪祭官暨各執事並同

舞陽縣志

卷之五

典禮

六

社稷祭期牲帛器數行禮儀節與省會同

禮部則例祭

先農禮畢各官咸易蟒袍補服州縣正印官

秉耒佐貳執青箱播種專城衛所正印官秉耒如無屬員卽選

擇耆老執青箱播種耕時用耆老一人牽牛農夫二人扶犁悉

照九卿之例九推九返農夫終畝耕畢各率耆老農夫望

闕行三跪九叩禮其農具用赤色牛用黑色 用青色所盛

籽種各從其土之宜每年所收米穀及用過梁盛數目造冊報

布政使司送戶部覆實

釋奠之禮

大清會典直省府州縣歲以春秋仲月上丁祭

先師於頴宮正官將事佐貳分獻監禮以師儒贊引執事以生員中和韶樂羽籥之舞及牲登鉶簠簋籩豆尊爵之數將事之儀均如太學釋奠之禮 先期一月選牛一羊二十二豕二十二察肥

瘠瞻辨毛色色尚黑

雍正三年
定用烏牛

入滌三旬前三日繕祝版分職事

前一日有司飭廟戶潔埽殿廡內外視宰官公服詣神廚視宰正獻官率各官及執事生入學習儀教官率樂舞生入學習舞習吹樂用六佾祭日五鼓陳牲帛盥盛省視如儀正獻分獻官入廟將事行禮儀節均與太學遣官釋奠同 太學釋奠之禮祭日陳福

舞陽縣志

卷之五

典禮

七

胙於殿內東案尊爵之旁加爵一設洗於階下之東禮部堂官省盥如儀承祭官拜位讀祝受福胙拜位在殿中門檻內分獻官在甬道左右陪祭官在廟庭左右均北面司 司帛司爵在大成殿正位配位前捧福胙國子生二人立於東案之東西向接福胙國子生二人立於西案之西東面雞初鳴飛祭官分獻官豫集於持敬門內致齋所太常寺贊禮郎十有四 俟 持敬門內均朝服味爽贊禮郎二員引承祭官自左側門入又四員分引爾序分獻官又八員分引兩廡分獻官隨入至階東盥手畢詣拜位前立鴻臚寺官引陪祀官咸詣拜位序立典儀贊樂舞生就位執事官各

司其事文舞六佾進贊禮郎贊就位引承祭官分獻官就位立典儀贊迎

神唱樂官唱迎

神樂奏昭平之章樂作贊禮郎贊就上香位引承祭官升階入殿左門贊詣

先師香案前跪承祭官跪俯伏贊上香司香跪捧香承祭官三上香畢俯伏興以次詣四配位前跪上香儀同贊復位引承祭官復位初迎

神時贊禮郎分引東西序分獻官各一員升東西階入殿左右門

舞陽縣志

卷之五

典禮

八

詣十二哲位前跪上香退復位引兩廡分獻官東西各二員分詣先賢先儒位前跪上香均如前儀贊禮郎贊跪叩興承祭官分獻官暨陪祀官行三跪九叩禮興樂止典儀贊奠帛爵行初獻禮奏宣平之章樂作舞羽籥之舞贊禮郎引承祭官升階贊詣

先師位前跪承祭官跪俯伏司帛跪捧篚承祭官受篚拱舉奠於案與司爵跪捧爵承祭官受爵拱舉奠於墊中俯伏興贊禮郎贊就讀祝位引承祭官至殿中拜位立贊跪承祭官分獻官暨陪祀官皆跪贊讀祝司祝跪讀祝如儀承祭官引獻官暨陪祀官均行三叩禮興贊禮郎引承祭官以次詣四配位前跪奠帛獻爵儀同

復位贊禮郎分引兩序分獻官升東西階入殿左右門詣十二哲位前跪俯伏奠帛獻爵俯伏興復位均如儀引兩廡分獻官分詣先賢先儒位前奠帛獻爵儀同樂止亞獻奏秩平之章樂作贊禮郎引承祭官升階贊詣

先師暨四配位前奠爵於左如初兩序兩廡分獻畢均復位樂止終獻奏叙平之章樂作贊禮郎引承祭官升階奠爵於右如亞獻儀兩序兩廡隨分獻畢均復位樂止文舞退典儀贊 福受胙贊禮郎贊詣受福胙位引承祭官至殿中拜位立捧福胙二人自東案捧福胙至

舞陽縣志

卷之五

典禮

九

先師位前拱舉退立於承祭官之右接福胙二人自西案進立於左贊禮郎贊跪承祭官跪贊飲福酒右一人跪遞福酒承祭官受爵拱舉授於左興次受胙如飲福之儀贊叩承祭官三叩興贊復位引承祭官復位贊跪叩興承祭官分獻官暨陪祀官均行三跪九叩禮興典儀贊徹饌奏懿平之章樂作徹饌畢樂止贊送神奏德平之章樂作贊禮郎贊跪叩興承祭官分獻官暨陪祀官行三跪九叩禮興樂止典儀贊捧祝帛饌送燎有司各捧祝帛香饌恭送燎所如儀承祭官避立拜位西旁俟過復位樂作贊禮郎引承祭官詣燎所視燎畢仍引由左側門出樂止陪祀各官皆

謹按則例不隸省會之府州縣長官正獻兩序以其貳及所屬兩廡以食餼學弟子員各一人分獻

同日致祭崇聖祠教諭正獻兩序訓導分獻兩廡皆食餼學弟子各一人分獻行禮儀節承祭官拜位在階下分獻官拜位在承祭官後讀祝拜位在殿中門檻內均北面不用樂舞凡上香迎神奠帛奠爵讀祝徹饌送神視燎行禮均如致祭

先師儀

釋采上香之禮

大清會典凡直省府州縣月朔釋采望日上香以教授教諭訓導

舞陽縣志

卷之五

典禮

十

等官分班行禮與太學同 太學釋采之禮朔日夙興潔掃內外展神幄拂拭神案陳棗栗各一豆鑪一鐙二設案一於殿內之東陳香盤七尊一每位爵一又設案於東西兩廡之南各陳香盤三尊一每位爵一無帛筐尊實酒冪勺具司香司爵立於案旁設洗於階下之東通贊二人立於殿內東西楹又二人立於殿外東西階上皆公服質明祭酒朝服諸生吉服由大成東側門入及廟庭各就位行三跪九叩禮祭酒詣東階盥升東階入殿左門詣神位前跪三上香詣尊案前視注酒復詣神位跪獻爵興以次詣四配位前皆如之分獻者詣兩序兩廡如其儀降復位行三跪九叩禮

上香之禮拂拭神案然鐙設香盤於殿內及兩無各案司香各一人立於案前設洗於階東質明各官就位如釋采儀司業盥升東階人殿左門諸神位前跪三上香以次詣四配位如之分詣兩序兩廡皆如之降復位行三跪九叩禮

忠義孝弟節孝名宦鄉賢

大清通禮歲春秋釋奠禮畢教諭一人公服詣祠致祭是日清晨廟戶啟祠門拂拭神案執事人入陳羊一豕一籩四豆四鑪一鐙二陳祝文於案左陳壺一爵三帛一香盤一於案右引贊二人引主祭官入詣案前北面立禮生自右奉香盤主祭官三上香訖引

舞陽縣志

卷之五

典禮

十一

贊贊跪叩興主祭官跪三叩興禮生自右授帛主祭官受帛拱舉仍授禮生獻於案上禮生挈壺酌酒實爵自右跪授爵主祭官受爵拱舉仍授禮生興獻於正中讀祝者取祝文跪案左引贊贊跪主祭官跪讀祝辭讀祝畢以祝文復於案退主祭官俯伏興執事者酌酒獻於左又酌酒獻於右退引贊贊跪叩興主祭官跪三叩興執事者以祝帛送燎引贊引主祭官出執事者徹皆退各祠致祭儀同

祭品 大成殿正位帛段一爵三勺一壘尊一犧尊一登太羹一鉶和羹二簠稻一梁一簋黍一稷一籩榛一棗一菱一芡一脯

一脩一膾一糗餌一豆筍菹一菁菹一芹菹一韭菹一鹿醢一兔醢一魚醢一醢醢一鼎形鹽一鹿脯一槁魚一大房牛一羊一豕一祝版一大燭二對香案一四配無登羹籩鹽不形無祝版爵每位一帛每位一東西各羊一豕一無牛各燭一對餘與正位同十二哲每位酒爵一鉶和羹一簋稻一梁一簋黍一稷一籩鹽一棗一栗一榛一栗一鹿脯一豆菁菹一芹菹一鹿醢一兔醢一東西各帛段一羊一豕一燭一對兩廡東西各帛段一燭四對每位酒爵一羊一豕一簋稻四籩黍四籩鹽四棗四栗四鹿脯四豆菁菹四芹菹四鹿醢四兔醢四

舞陽縣志

卷之五

典禮

十二

宗聖祠正位羊一豕一中燭一對大燭香案一每位帛段一爵三尊一鉶和羹二簋稻一梁一簋黍一稷一籩鹽一棗一栗一榛一菱一芡一槁魚一鹿脯一豆韭菹一菁菹一芹菹一筍菹一鹿醢一魚醢一兔醢一醢醢一配位東西各豕一燭一對每位帛段一位酒爵一簋稻一籩黍一籩鹽一棗一栗一鹿脯一豆菁菹一芹菹一鹿醢一兔醢一從祀東西各帛段一燭一對每位酒爵一簋稻一籩黍一籩鹽一棗一栗一鹿脯一豆菁菹一芹菹一鹿醢一醢醢一

樂章昭平之章辭曰大哉

孔子先覺先知與天地參萬世之師祥徵麟紱韻答金絲日月既揭乾坤清夷

宜平之章辭曰予懷

明德玉振金聲生民未有展也大成俎豆千古春秋上丁清酒既載其香始升

秩平之章辭曰式禮莫愆升堂再獻響協鼗鏞誠孚壘獻肅肅雍雍譽髦斯彥禮陶樂淑相觀而善

叙平之章辭曰自古在昔先民有作皮弁祭菜於論思樂惟天牖民惟

舞陽縣志

卷之五

典禮

十三

聖時若彝倫攸叙至今木鐸

懿平之章辭曰

先師有言祭則受福四海鬯宮疇敢不肅禮成告徹毋疏毋瀆樂所自生中原有菽

德平之章辭曰鳧繹毳毳洙泗洋洋景行行止流澤無疆聿昭祀事祀事孔明化我烝民有我膠庠

祭文 先師祝辭曰維某年月日某官某致祭於

至聖先師孔子曰惟

先師德隆千聖道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦於馨香泮水

膠庠益致嚴於籩豆茲當仲春秋祇率彝章肅展微忱聿將祀典以

復聖顏子

宗聖曾子

述聖子思子

亞聖孟子配尚

饗

崇聖祠祝辭曰維某年月日某官某致祭於

肇聖王

舞陽縣志

卷之五

典禮

十四

裕聖王

詒聖王

昌聖王

啟聖王曰惟

王奕葉鍾祥光開聖緒盛德之後積久彌昌凡聲教所覃敷率循

源而溯本宜肅明禋之典用申守土之忱茲屆仲春秋聿修祀事配

以

先賢顏氏

先賢曾氏

先賢孔氏

先賢孟孫氏尚

饗

忠義孝弟祠祝辭曰惟

靈稟賦貞純躬行篤實忠誠奮發貫金石而不渝義問宣昭表鄉閭而共式祇事懋彝倫之大性摯莪蒿克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几筵尚

饗

舞陽縣志

卷之五

典禮

十五

節孝祠祝辭曰惟

靈純心皎潔令德柔嘉矢志完貞全閨中之亮節竭誠致敬內之芳型茹冰檠而彌堅清操自勵奉盤匱而匪懈篤孝傳徽絲綸特沛乎殊恩祠宇昭垂於令典祇循歲祀式薦尊醪尚

饗

名宦鄉賢祝祠各州縣所在異辭舞陽名宦祠祝文辭曰惟

靈挺生異邦游宦茲土道德事功赫奕千古茲值仲春理宜致祭

尚

饗

鄉賢祠祝文辭曰惟

靈名高朝宁德重鄉邦歷代血食萬古名揚茲值仲春理宜致祭

尚

饗

魁星樓於丁祭後改穿蟒袍致祭陳設儀注與祭四祠同祝文辭

曰惟

神北極之象太乙之精佑我場屋翊我文明茲值仲春理宜致祭

尚

饗

舞陽縣志

卷之五

典禮

十六

先師誕辰雍正五年制八月二十七日王公百官致齋一日不理

刑名民間禁止屠宰

雲雨風雷山川城隍壇

大清通禮直省府州縣各建

神祇壇祀

雲雨風雷境內

山川

城隍之神歲春秋仲月諏吉致祭在城文武各官皆與省會以總督若巡撫主之若有故以布政使攝致祭之禮設案一於

壇正中南向

雲雨風雷神位居中境內

山川神位左

城隍神位右案陳劔一簠二簋二籩豆各四案前設俎陳羊一豕
一又前設香案一陳祝文香盤鑪鐙西設一案陳帛七尊一爵二
十有一福酒胙肉陳於尊俎之次祭祀儀節祀官及執事官序位
並如

社稷壇儀祭日有司供具執事人豫入序立引班引陪祭官入引
贊引主祭官人通贊贊執事各司其事贊就位引主祭官至階下

舞陽縣志

卷之五

典禮

十七

盥手就拜位立陪祭官按班就東西拜位立均北面迎

神上香讀祝行三獻禮祝辭曰維某年月日某官某致祭於

雲雨風雷

山川

城隍之神曰惟

神贊襄天澤福佑蒼黎佐靈化以流形生成永賴乘氣機而鼓盪
溫肅攸宜磅礴高深長保安貞之吉憑依鞏固實資捍禦之功幸
民俗之殷盈仰

神明之庇護恭修歲祀正值良辰敬潔豆籩祇陳牲帛尙

饗餘儀節與祭

社稷同

歲孟夏後諏吉雩祭陳設儀注同前若間不雨及潦諏宜祀之辰

具祝文

隨時撰擬

備牲牢籩豆香帛尊爵鑪鐙守土大吏率屬素服虔

禱為民請命行禮儀節與常祀同暨應而報陳設供具朝服行報

祀禮儀節均與祈祀同其各府州縣歲春秋諏吉致祭

神祇壇主祭官陪祭官暨各執事並同

社稷牲帛祝號陳設器數及行禮儀節與省會同雩若祈若報並

如省會之禮

舞陽縣志

卷之五

典禮

十八

關帝廟

大清通禮致祭

關帝之禮歲以春秋仲月諏吉遣官一人將事是日昧爽廟祝潔

殿宇內外太常寺官員祝版備器陳

神位前牛一羊一豕一登一鉶一簋籩各二籩豆各十鑪一鐙二

殿中設一案少西北向供祝版東設一案陳禮神制帛一色白香盤

一尊一爵三牲陳於俎帛實於筐尊實酒冪勺具和聲署設樂於

西階上

器數詳見祀顯佑宮禮

太常寺設洗於東階上承祭官拜位在殿內

正中司祝司香司帛司爵典儀掌燎各以其職為位如常儀質明

承祭官朝服詣廟贊引太常寺贊禮郎二人引承祭官由廟左門入至東階上盥手畢進殿東門詣拜位前立典儀贊執事官各共迺職贊禮郎贊就位引承祭官就位立典儀贊迎

神贊禮郎贊詣上香位引承祭官就香案前立贊上香司香跪奉香承祭官上炷香三上瓣香畢贊復位引承祭官復位立贊跪叩興承祭官行三跪九叩禮興典儀贊奠帛爵行初獻禮有司揭尊幕勺挹酒實爵司帛奉筐司爵奉爵各進至

神位前司帛跪奠筐於案三叩興司爵立獻爵於案正中各退司祝詣祝案前跪三叩興奉祝版跪案左樂暫止贊禮郎贊跪承祭

舞陽縣志

卷之五

典禮

十九

官跪典儀贊讀祝司祝讀祝讀畢興以祝版跪安于筐內叩如初興退贊禮郎贊叩興承祭官行三叩禮興典儀贊行亞獻禮司爵獻爵於左如初獻儀典儀贊行終獻禮司爵獻爵於右如亞獻儀典儀贊徹饌有司徹畢贊送

神贊禮郎贊跪叩興承祭官行三跪九叩禮興樂止典儀贊奉祝帛饌送燎有司奉祝帛香饌以次送燎如儀贊望燎贊禮郎引承祭官詣燎位眡燎禮畢樂止承祭官及執事官皆退同日祭後殿以太常寺卿一人將事

光昭公位中

裕昌公左

成忠公右均南向位各異案每案羊一豕一劔二簠簋各二籩

各八鑪一鐙二殿中設案少西北向供祝版東西各設一案分陳

禮神制帛三

白色

香盤三爵九尊三俎篚冪勺具設洗於後垣門內

甬道東承官位殿檐下正中司祝司香司帛司爵典禮掌燎各以

其職爲位如常儀質明承祭官由前左門入後垣中門盥手升階

就位迎

神引詣正位前上香畢以次詣左右位前上香復位行禮儀節叩

禮初獻讀祝如儀凡儀節均與前殿同

舞陽縣志

卷之五

典禮

二十

歲五月旬有三日致祭

關帝廟前殿

神位前陳牛一羊一豕一果實五盤鑪鐙具陳設及行禮儀節與

春秋祭同同日並祭後殿太常寺卿一人行禮每案羊一豕一果

實五盤典禮不贊徹饌司爵以執事生餘陳設及行禮儀節與春

秋祭同 直省府州縣

關帝廟歲均以春秋仲月及五月旬有三日致祭前殿主祭以地

方正官一人後殿以丞史執事以禮生祭日陳設迎

神上香奠獻讀祝送

神眡燎禮儀並與

京師祭前後殿同前殿祝辭曰維某年月日某官某致祭於

忠義神武靈佑仁勇威顯關聖大帝之神曰惟

帝浩氣凌霄丹心貫日扶正統而彰信義威震九州完大節以篤

忠貞名高三國

神明如在徧祠宇於寰區靈應丕昭薦馨香於歷代屢徵異蹟顯

佑羣生恭值仲

春秋

嘉辰遵行祀典筵陳籩豆几奠牲醪尙

饗後殿祝辭曰維某年月日某官某致祭於

關帝之

舞陽縣志

卷之五

典禮

二十一

曾祖光昭公

祖裕昌公

父成忠公曰惟

公世澤貽庥靈源積慶德能昌後篤生神武之英善則歸親宜享

尊崇之報列上公之封爵

錫命優隆合三世之肇裡典章明備恭逢仲

春秋

諏吉祇事薦馨尙

饗

文昌廟

大清通禮致祭

文昌之禮歲以二月三日暨秋仲月諏吉遣官一人將事是日昧爽廟祝潔埽殿宇內外太常寺官員祝版備器陳設洗辨位和聲署設樂均與

關帝廟同質明承祭官朝服詣廟贊引太常寺贊禮郎二人引承祭官由廟左門入至東階上盥手畢引詣拜位前立典儀贊執事官各司其事贊禮郎贊就位引承祭官就位立典儀贊迎

神贊禮郎贊詣上香位引承祭官入殿左門就香案前立贊上香司香跪奉香承祭官上炷香三上瓣香畢贊復位引承祭官復位立贊跪叩興承祭官行三跪九叩禮興典儀贊奠帛爵行初獻禮

舞陽縣志

卷之五

典禮

二十二

有司揭尊冪勺挹酒實爵司帛奉筐司爵奉爵各進至

神位前司帛跪奠筐於案三叩興司爵立獻於案正中各退司祝詣祝案前跪三叩興奉祝版跪案左樂暫止贊禮郎贊跪承祭官跪典儀贊讀祝司祝讀祝讀畢興以祝版跪安於筐內叩如初興退贊禮郎贊叩興承祭官行三叩禮興典儀贊行亞獻禮司爵獻爵於左如初獻儀典儀贊行終獻禮司爵獻爵於右如亞獻儀典儀贊徹饌有司徹畢贊送

神贊禮郎贊跪叩興承祭官行三跪九叩禮興樂止典儀贊奉祝帛饌送燎有司奉祝帛香饌以次送燎如儀贊望燎贊禮郎引承

祭官詣燎位望燎禮畢樂止承祭官及執事官皆退同日祭後殿以太常寺卿一人將事正中奉

文昌帝君前代神位南向設案一陳羊一豕一釧二簠簋各二籩豆各八承祭官行二跪六叩禮初獻讀祝如儀餘陳設器數及行禮儀節均與

關帝廟後殿同 直省府州縣

文昌廟歲均以春秋仲月地方官躬詣致祭陳設器數行禮儀節並與

京師祭

舞陽縣志

卷之五

典禮

二十三

文昌廟同祝辭曰維某年月日某官某致祭於

文昌帝君曰惟

神蹟著西潼樞環北極六匡麗曜協昌運之光華累代垂靈爲人文之主宰扶正久彰夫感應薦馨宜致其尊崇茲屆仲春秋用昭時

祀尙其歆格鑒此精虔尙

饗後殿祝辭曰維某年月日某官某致祭於

文昌帝君之

前代曰祭引先河之義禮崇反本之思矧夫世德彌光延賞斯祥種累代炯列宿之精靈化被千秋爲人文之主宰是尊後殿用

答前麻茲值仲

春秋

肅將時事用申告潔

神其格歆尙

饗

邑厲壇

大清通禮直省府州縣歲三月寒食節七月望日十月朔日祭厲

壇於城北郊前期守土官飭所司具香燭公服詣

神祇壇以祭厲告本境

城隍之位上香跪三叩興退至日所司陳羊三豕三米飯三石尊

酒楮帛於祭所設燎鑪於壇南黎明禮生奉請

舞陽縣志

卷之五

典禮

二十四

城隍神位入壇香案一鑪鑿具贊禮生二人引守土官公服詣

神前位贊跪守土官跪贊上香守土官三上香贊叩興守土官三

叩興執事者焚楮帛守土官詣燎鑪前祭酒三爵退禮畢舊志載

祝辭曰惟年月日某官某遵承禮部劄付爲祭祀閭邑無祀鬼魂

事欽奉

皇帝聖旨普天之下后土之上無不有人無不有鬼神人鬼之道

幽冥雖殊其理則一故治人事神之道井井不紊然冥冥之中又

有無祀鬼魂昔爲生民未知何故而殃其間有遭兵刃而橫傷者

有死於水火盜賊者有被人取財而逼死者有天災流行而疫死

者有被猛獸毒蟲所害者有因炎熱而渴死者有因饑寒而凍餓死者有因危急而縊死者有因戰鬪而損身者有因毒藥而傷身者有因牆屋傾頽而壓死者有死後而無子孫者有因產而亡身者此等鬼魂或終於前代或沒於近世或兵戈擾攘流移於他鄉或人烟斷絕久缺其祭祀或姓名泯沒於一時祭典無聞於後世凡茲孤鬼死無所依精靈未散結爲陰靈或依草木作爲妖怪悲嚎於星月之下呻吟於風雨之時每逢節令心思陽世魂杳杳以無歸身墜沉淪意懸懸而望祭興言及此憐其慘悽故在各縣有邑厲之祭期神依人而血食人敬神而知禮仍命本處城隍統率醴羹饌專祭無祀鬼魂靈其不昧來享此祭尙

饗

各廟

城隍廟向以三月二十七日祭

火神廟向以六月二十三日祭

眞武廟

龍神廟

八蜡祠向以春秋仲月上戊日祭

舞陽縣志

卷之五

典禮

二十五

劉猛將軍乾隆三年合祀於八蜡廟中

倉神廟向以開倉之日祭

庫神向以六月初六日祭

馬王廟向以六月二十三日祭

獄神廟向以冬至日祭

樊侯祠向以春秋仲月及九月十五日祭

周公祠向以春秋仲月上戊日祭

萬公祠向以春秋仲月上戊日祭

潘公祠向以春秋仲月上戊日及十二月初一日祭

舞陽縣志

卷之五

典禮

二十六

迎春

先春一日迎春於東郊演戲三劇用香案酒菓祭勾芒神畢幡樂
綵亭前導次田家樂次勾芒神次春牛次各官皆輿耆老胥吏皆
騎進城遍遊四街遂至開元寺勾芒先至供儀門外棚內西向各
官至揖勾芒神畢列坐大堂胥役扮農夫皆荷鋤鍤又扮婦女餉
饑狀繞堂三匝復演戲三二劇乃罷至立春日朝服祭勾芒祭畢
各執綵杖環鞭土牛三週胥役人等將土牛擊碎

日月食

舊志遇日食具朝服救護月食用補服今用素服

朔望

長官公服率僚屬謁各廟行禮如 制朔望之次日齊集開元寺
供奉

聖諭處向北行禮如 制直月生員宜講

聖諭軍民環立恭聽雍正元年奉

特旨命郡縣遴選里民六十以上齒德兼優者俾充鄉耆每逢朔
望分派四路通衢宣講

聖諭道光十一年知縣王德瑛遵嘉慶二十五年七月按察司敦
札飭於三八放告日期在大堂上先講

舞陽縣志

卷之五

典禮

二十七

聖諭以首條與別條輪流明白講解講畢點名收詞

賓興

每大比之歲七月縣令預架彩橋卜吉具啟延應試貢監生員宴
於縣衙宴畢具鼓樂過彩橋簪花由中門送至西關外兼送盤費
會試加倍

文武童生院取回縣擇吉送學至期同赴縣堂親友爲之簪花彩
旗鼓樂前導知縣送至學宮謁

聖畢知縣與教官交拜於明倫堂令新進諸童拜見學師入學肄